

ՄՐՅԱԿՑՈՒԹՅԱՆ ՊԱՇՏՊԱՆՈՒԹՅԱՆ ՀԱՆՁՆԱԺՈՂՈՎ ՆԱԽԱԳԱՀ

Հայաստանի Հանրապետություն, 0010, ք. Երևան, Տիգրան Մեծ 4, հեռ.՝ (+374 60) 830 840, (+374 60) 830 850
Էլ-փոստ՝ info@competition.am, վեբ կայք՝ <http://www.competition.am>

«25» 04 2023թ.
No 003484

«ՅԱՆԴԵՔՍ ԴԵԼԻՎԵՐԻ ԷՅԷՄ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ ՏՆՕՐԵՆ ՏԻԿԻՆ ՄԱՐԻՆԱ ԿՈԼԵՄՆԻԿՈՎԱՅԻՆ (Հասցե՝ ք. Երևան, Ազատության պող., 24/7)

Հարգելի՛ տիկին Կոլեսնիկովա,

Մրցակցության պաշտպանության հանձնաժողովը (այսուհետ՝ Հանձնաժողով) 2022 թվականի նոյեմբերի 8-ի ««Յանդեքս Սնունդ ԷյԷՄ», «Յանդեքս.տաքսի ԷյԷՄ», «Ռայդտեխ Ինթերնեյշնլ Բ.Վ.» և «Ֆուդտեք ընդ Դելիվերի Բ.Վ.» սահմանափակ պատասխանատվությամբ ընկերությունների կողմից տնտեսական մրցակցության բնագավառում իրավախախտման վերաբերյալ վարույթ հարուցելու մասին» թիվ 426-Ա որոշմամբ հասանելի է Հանձնաժողովի պաշտոնական՝ www.competition.am կայքում) հարուցել է թիվ ՀԳ-02976/22 վարույթը (այսուհետ՝ Թիվ ՀԳ-02976/22 վարույթ):

Հանձնաժողովը 2023 թվականի ապրիլի 18-ի ««Յանդեքս Սնունդ ԷյԷՄ», «Յանդեքս.տաքսի ԷյԷՄ», «Ռայդտեխ Ինթերնեյշնլ Բ.Վ.» և «Ֆուդտեք ընդ Դելիվերի Բ.Վ.» սահմանափակ պատասխանատվությամբ ընկերությունների վերաբերյալ թիվ ՀԳ-02976/22 վարույթով «Յանդեքս Դելիվերի ԷյԷՄ», «Ֆուդ Դելիվեռի1» և «Յանդեքս Եդա» սահմանափակ պատասխանատվությամբ ընկերություններին որպես նոր պատասխանողներ ներգրավելու և վարույթի ժամկետը երկարաձգելու մասին» թիվ 180-Ա որոշմամբ (այսուհետ՝ **Թիվ 180-Ա որոշում**) «Յանդեքս Դելիվերի ԷյԷՄ», «Ֆուդ Դելիվեռի1» և «Յանդեքս Եդա» սահմանափակ պատասխանատվությամբ ընկերություններին Թիվ ՀԳ-02976/22 վարույթով ներգրավել է որպես նոր պատասխանողներ:

«Յանդեքս դելիվերի ԷյԷՄ» սահմանափակ պատասխանատվությամբ ընկերության (այսուհետ՝ Ընկերություն) լավաճ լինելու իրավունքն իրացնելու նպատակով վերջինս կարող է երկշաքայա ժամկետում Հանձնաժողով ներկայացնել գրավոր դիրքորոշում և այն հիմնավորող նյութեր հարուցված վարույթում քննարկվող հարցերի վերաբերյալ: Ընկերության հիմնավոր միջնորդության հիման վրա երկշաքայա ժամկետը Հանձնաժողովի նախագահի գրությամբ կարող է երկարաձգվել մինչև երկշաքայա ժամկետով:

Միաժամանակ, Ընկերությանը թիվ ՀԳ-02976/22 վարույթով որպես նոր պատասխանող ներգրավելու կապակցությամբ, հիմք ընդունելով վարչական վարույթի շրջանակում գործի փաստական հանգամանքների լրիվ, բազմակողմանի և օբյեկտիվ քննարկման անհրաժեշտությունը և ղեկավարվելով «Տնտեսական մրցակցության պաշտպանության մասին» օրենքի (այսուհետ նաև՝ **Օրենք**) 43-րդ հոդվածի 2-րդ մասով՝ խնդրում ենք սույն գրությունը ստանալու օրվանից 5 աշխատանքային օրվա ընթացքում Հանձնաժողով ներկայացնել Ընկերության հիմնադրման օրվանից մինչև 2023 թվականի ապրիլի 25-ն ընկած ժամանակահատվածում Ընկերության կողմից կնքված և գործող պայմանագրերի, հավելվածների, դրանց փոփոխությունների պատճենները:

Տեղեկացնում ենք նաև, որ.

1. «Նորմատիվ իրավական ակտերի մասին» օրենքի 31-րդ հոդվածի 2-րդ մասի համաձայն՝ տարիներով, ամիսներով կամ օրերով հաշվարկվող ժամկետների ընթացքն սկսվում է այն օրացուցային տարվա, ամսվա, ամսաթվի կամ վրա հասած իրադարձությանը հաջորդ օրվանից, որով որոշված է դրա ժամկետի սկիզբը:

2. Օրենքի 43-րդ հոդվածի 4-րդ մասի համաձայն՝ տնտեսավարող սուբյեկտի հիմնավոր միջնորդության հիման վրա Հանձնաժողովի նախագահի գրությամբ կամ Հանձնաժողովի որոշմամբ սահմանված տեղեկատվության ներկայացման ժամկետը համապատասխանաբար կարող է Հանձնաժողովի նախագահի գրությամբ կամ Հանձնաժողովի որոշմամբ երկարաձգվել, և տեղեկատվությունը ենթակա է տրամադրման այդ ժամկետում:

3. Օրենքի 43-րդ հոդվածի 6-րդ մասի համաձայն՝ Հանձնաժողովի կողմից փաստաթղթեր, նյութեր և այլ տեղեկատվություն պահանջելու իրավաչափությունը տնտեսավարող սուբյեկտը կարող է վիճարկել միայն այն չտրամադրվելու դեպքում՝ Հանձնաժողովի կողմից պատասխանատվության միջոց կիրառելու մասին որոշման վիճարկման շրջանակում:

4. Օրենքի 93-րդ հոդվածի 9-րդ մասի համաձայն՝ վարույթով պատասխանող տնտեսավարող սուբյեկտի կողմից Հանձնաժողովի նախագահի գրությամբ կամ Հանձնաժողովի որոշմամբ կամ օրենսդրությամբ սահմանված փաստաթղթեր կամ այլ տեղեկատվություն սահմանված ժամկետում չներկայացվելու կամ ոչ հավաստի կամ ոչ ամբողջական տեղեկություններ ներկայացվելու համար նշանակվող տուգանքի չափը կազմում է մինչև վարույթով քննարկվող իրավախախտման համար սահմանված տուգանքի չափը, իսկ մի քանի խախտումների դեպքում՝ դրանց համար սահմանված առավել խիստ տուգանքի չափը:

5. Ընկերությունը Թիվ 180-Ա որոշումը ստանալու օրվանից երկշաբաթյա ժամկետում Ընկերությանը վերագրվող իրավախախտման փաստն ընդունելու և իրավախախտման հետևանքները վերացրած լինելու դեպքում կարող է արագացված վարույթ կիրառելու մասին միջնորդություն ներկայացնել Հանձնաժողով, ընդ որում, արագացված վարույթի կիրառման արդյունքում պատասխանատվության միջոց կիրառելիս պատասխանատվության միջոցը չի կարող գերազանցել տվյալ իրավախախտման համար նախատեսված ամենախիստ պատասխանատվության միջոցի մեկ երկրորդը:

6. Օրենքի 94-րդ հոդվածի 1-ին մասի համաձայն՝ պատասխանատվության միջոց կիրառելիս Հանձնաժողովը հաշվի է առնում տվյալ իրավախախտման բնույթը, տևողությունը, իրավախախտման հնարավոր կամ փաստացի ազդեցությունը շուկայում

մրցակցային իրավիճակի կամ սպառողների շահերի վրա, տնտեսավարող սուբյեկտի կողմից տվյալ խախտման կրկնակիությունը, եթե նախորդ խախտման համար պատասխանատվության միջոց կիրառելու օրվանից չի անցել հինգ տարի, տնտեսավարող սուբյեկտի դիտավորության աստիճանը, տնտեսավարող սուբյեկտի կողմից իրավախախտում կատարվելու շարժառիթները և հանգամանքները, տնտեսավարող սուբյեկտի կողմից իրավախախտում կատարվելու փաստն ընդունելու կամ Հանձնաժողովի հետ համագործակցելու հանգամանքը, պատասխանատվությունից ազատելու հիմքերը, տնտեսավարող սուբյեկտի վրա նշանակվող տուգանքի հնարավոր ազդեցությունը, տվյալ տնտեսավարող սուբյեկտի գործունեության ոլորտը և տնտեսավարող սուբյեկտի պատմությունը: Ընդ որում, «Վարչարարության հիմունքների և վարչական վարույթի մասին» օրենքի 43-րդ հոդվածի համաձայն՝ Ընկերության համար բարենպաստ հանգամանքների ապացուցման բեռը կրում է Ընկերությունը:

7. Պատասխանատվության միջոցի ընտրությունը և տուգանքի հաշվարկումն իրականացվում է Հանձնաժողովի 2023 թվականի հունվարի 24-ի թիվ 31-Ն որոշմամբ սահմանված մեթոդաբանությամբ:

8. ՀՀ քրեական օրենսգրքի 479-րդ հոդվածով վարչական վարույթով ապացույց կամ բացատրություն կեղծելու, փոխելու, ոչնչացնելու կամ թաքցնելու կամ կեղծ ապացույց ներկայացնելու համար սահմանված է քրեական պատասխանատվություն:

9. ՀՀ քրեական օրենսգրքի 504-րդ հոդվածով վարչական վարույթով սուտ բացատրություն կամ սուտ ցուցմունք տալու համար սահմանված է քրեական պատասխանատվություն:


10. Թիվ 180-Ա որոշմամբ Ընկերության որպես Թիվ ՀԳ-02976/22 վարույթով նոր պատասխանող ներգրավելուց հետո տնտեսական մրցակցության բնագավառում իրավախախտման հատկանիշներ պարունակող գործողությունների կատարումը կամ վարքագծի դրսևորումը հիմք են նոր վարույթ հարուցելու համար:

11. **Հանձնաժողով փաստաթղթեր ներկայացնել և ստանալ, ինչպես նաև Հանձնաժողովի հետ հետագա ողջ հաղորդակցությունը կարող եք իրականացնել նաև առցանց՝ Հանձնաժողովի e-Compete էլեկտրոնային համակարգի (այսուհետ՝ Համակարգ) միջոցով, որի համար անհրաժեշտ է գրանցվել Համակարգում՝ մուտք գործելով Հանձնաժողովի պաշտոնական կայքի (www.competition.am) «Իմ էջը» բաժին, ընտրելով «Գրանցվել» հրամանը և լրացնելով անձի նույնականացման համար պահանջվող տվյալները:**


Կից ներկայացվում է Թիվ 180-Ա որոշման պատճենը:

Առդիր՝ «5» թերթ:

ՀԱՐԳԱՆՔՈՎ՝



ԳԵՂԱՄ ԳԵՎՈՐԳՅԱՆ



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՄՐՑԱԿՑՈՒԹՅԱՆ ՊԱՇՏՊԱՆՈՒԹՅԱՆ ՀԱՆՁՆԱԺՈՂՈՎ
Ո Ր Ո Շ ՈՒ Մ

18 ապրիլի 2023 թվականի թիվ 180-Ա

«ՅԱՆԴԵՔՍ ՍՆՈՒՆԴ ԷՅԷՄ», «ՅԱՆԴԵՔՍ.ՏԱՔՍԻ ԷՅԷՄ», «ՌԱՅԴՏԵՆ
ԻՆԹԵՐՆԵՇՆԼ Բ.Վ.» ԵՎ «ՖՈՒԴՏԵՔ ԸՆԴ ԴԵԼԻՎԵՐԻ Բ.Վ.» ՍԱՀՄԱՆԱՓԱԿ
ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅՈՒՆՆԵՐԻ ՎԵՐԱԲԵՐՅԱԼ ԹԻՎ
ՀԳ-02976/22 ՎԱՐՈՒՅԹՈՎ «ՅԱՆԴԵՔՍ ԴԵԼԻՎԵՐԻ ԷՅԷՄ», «ՖՈՒԴ ԴԵԼԻՎԵՐԻ1»
ԵՎ «ՅԱՆԴԵՔՍ ԵՂԱ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ
ԸՆԿԵՐՈՒԹՅՈՒՆՆԵՐԻՆ ՈՐՊԵՍ ՆՈՐ ՊԱՏԱՍԽԱՆՈՂՆԵՐ ՆԵՐԳՐԱՎԵԼՈՒ ԵՎ ԹԻՎ
ՀԳ-02976/22 ՎԱՐՈՒՅԹԻ ԺԱՄԿԵՏԸ ԵՐԿԱՐԱԶԳԵԼՈՒ ՄԱՍԻՆ

Մրցակցության պաշտպանության հանձնաժողովը (այսուհետ՝ **Հանձնաժողով**) 2023 թվականի ապրիլի 18-ի նիստում, քննարկելով «Յանդեքս Սնունդ Էյէմ», «Յանդեքս.տաքսի Էյէմ», «Ռայդտեխ Ինթերնեյշնլ Բ.Վ.» և «Ֆուդտեք ընդ Դելիվերի Բ.Վ.» սահմանափակ պատասխանատվությամբ ընկերությունների վերաբերյալ թիվ ՀԳ-02976/22 վարույթով (այսուհետ նաև՝ **Վարույթ**) «Յանդեքս Դելիվերի Էյէմ», «Ֆուդ Դելիվերի1» և «Յանդեքս Եղա» սահմանափակ պատասխանատվությամբ ընկերություններին որպես նոր պատասխանողներ ներգրավելու և Վարույթի ժամկետը երկարաձգելու մասին հարցը,

Պ Ա Ր Զ Ե Ց

Հանձնաժողովի նախագահի՝ 2022 թվականի դեկտեմբերի 6-ի թիվ 007897 գրության (այսուհետ՝ **Թիվ 007897 գրություն**) 7-րդ կետով, 2023 թվականի մարտի 3-ի թիվ 001962 գրության (այսուհետ՝ **Թիվ 001962 գրություն**) 4-րդ կետով և 2023 թվականի մարտի 29-ի թիվ 002746 գրության (այսուհետ՝ **Թիվ 002746 գրություն**) 1-ին կետով «Յանդեքս Սնունդ Էյէմ» սահմանափակ պատասխանատվությամբ ընկերությունից (այսուհետ նաև՝ **«Յանդեքս Սնունդ Էյէմ» ընկերություն**) համապատասխանաբար պահանջվել է Հանձնաժողով ներկայացնել.

• Տեղեկատվություն «Յանդեքս Սնունդ Էյէմ» ընկերության կողմից կատարված/նախատեսվող մարքեթինգային ծախսերի վերաբերյալ՝ ներկայացնելով նաև

տեղեկատվություն «Յանդեքս Սնունդ Էյէմ» ընկերության կողմից ֆինանսական միջոցների ձեռքբերման աղբյուրների վերաբերյալ՝ կցելով հիմնավորող փաստաթղթերի պատճենները:

- Տեղեկատվություն 2022 թվականի դեկտեմբերի 1-ից մինչև 2023 թվականի փետրվարի 28-ն ընկած ժամանակահատվածում «Յանդեքս Սնունդ Էյէմ» ընկերության հետ պայմանագրային հարաբերություններ ունեցած՝ առաքիչների հետ համագործակցող միջնորդ իրավաբանական անձանց վերաբերյալ:

- «Յանդեքս Սնունդ Էյէմ» և ռուսաստանյան «Յանդեքս Եդա» սահմանափակ պատասխանատվությամբ ընկերությունների միջև 2022 թվականին կնքված և գործող պայմանագրերի և դրանց շրջանակներում իրականացված փոխանցումները հաստատող փաստաթղթերի պատճենները:

Ի պատասխան Թիվ 007897 գրության՝ «Յանդեքս Սնունդ Էյէմ» ընկերության ներկայացուցչի կողմից 2022 թվականի դեկտեմբերի 30-ին Հանձնաժողովին հասցեագրված գրության 7-րդ կետի համաձայն՝ «Յանդեքս Սնունդ Էյէմ» ընկերության ֆինանսական միջոցների ձեռքբերման աղբյուրը շուկա մուտք գործելու ժամանակահատվածում հանդիսանում է «Յանդեքս Եդա» սահմանափակ պատասխանատվությամբ ընկերության (այսուհետ՝ **«Յանդեքս Եդա» ընկերություն**) հետ կնքված փոխառության պայմանագիրը (այսուհետ՝ **Փոխառության պայմանագիր**): Գրությանը կից ներկայացվել է նաև վերջիններիս միջև 2022 թվականի օգոստոսի 22-ին կնքված Փոխառության պայմանագրի պատճենը, որի համաձայն՝ «Յանդեքս Եդա» ընկերությունը «Յանդեքս Սնունդ Էյէմ» ընկերությանը տրամադրել է ռուբլու չափով փոխառու միջոցներ 1 տարի ժամկետով:

Ի պատասխան Թիվ 002746 գրության՝ «Յանդեքս Սնունդ Էյէմ» ընկերության ներկայացուցիչը ի թիվս այլնի Հանձնաժողովին է տրամադրել Փոխառության պայմանագրի առնչվող համաձայնագրի պատճեն՝ կնքված 2023 թվականի հունվարի 20-ին, համաձայն որի՝ «Յանդեքս Եդա» ընկերությունից «Յանդեքս Սնունդ Էյէմ» ընկերությանը տրամադրված փոխառու միջոցների չափը խմբագրվել է՝ դառնալով ռուբլի, որն ամբողջությամբ պետք է վերադարձվի «Յանդեքս Եդա» ընկերությանը ոչ ուշ, քան 2024 թվականի հունվարի 20-ը:

Ի պատասխան Թիվ 001962 գրության՝ «Յանդեքս Սնունդ Էյէմ» ընկերության ներկայացուցչի կողմից 2023 թվականի մարտի 24-ին Հանձնաժողովին հասցեագրված գրության 4-րդ կետի համաձայն՝ «Yandex Eats» ծառայությունում առաքման ձևակերպման հնարավորությունն ապահովվում է «Յանդեքս Սնունդ Էյէմ» ընկերության և «Ֆուդ Դելիվերի» սահմանափակ պատասխանատվությամբ ընկերության միջև տեխնիկատեղեկատվական փոխգործակցության միջոցով, որն ապահովում է առաքման հայտի առկայության մասին տեղեկատվության փոխանցումը օգտատերից անմիջապես առաքողին: Նման տեխնիկական և տեղեկատվական փոխգործակցությունն իրականացվում է «Յանդեքս Սնունդ Էյէմ» ընկերության և «Ֆուդ Դելիվերի» սահմանափակ պատասխանատվությամբ ընկերության միջև կնքված՝ «Yandex Eats» ծառայությունում տեղեկատվության տեղադրման պայմանագրի հիման վրա, որի համար որպես հիմնավորող փաստաթուղթ կցվել է «Յանդեքս Սնունդ Էյէմ» ընկերության և «Ֆուդ

Դելիվերի» սահմանափակ պատասխանատվությամբ ընկերության (այսուհետ՝ «**Ֆուդ Դելիվերի**» ընկերություն) միջև 2022 թվականի նոյեմբերի 28-ին կնքված վճարովի ծառայությունների թիվ ПБР_28112022_229282 պայմանագիրը:

Նշված հանգամանքը հաշվի առնելով Հանձնաժողովը Պետական եկամուտների կոմիտեի էլեկտրոնային հարթակից հատուկ տեխնիկաթրագրային ուղիների միջոցով ձեռք է բերել տեղեկատվություն «Ֆուդ Դելիվերի» ընկերության կողմից դուրս գրված և վերջինիս դուրս գրված հարկային հաշիվների, հաշիվ վավերագրերի մասին, որոնց ուսումնասիրությունից պարզվել է, որ 2022 թվականի դեկտեմբերից սկսած «Յանդեքս Սնունդ ԷյՏԷՄ» առաքման ծառայություններ է ձեռք բերում «Ֆուդ Դելիվերի» ընկերությունից, որն էլ իր հերթին առաքման կազմակերպման համալիր ծառայություններ է ձեռք բերում «Յանդեքս Դելիվերի ԷյՏԷՄ» սահմանափակ պատասխանատվությամբ ընկերությունից:

Օրենքի 8-րդ հոդվածի 1-ին մասի համաձայն՝ արգելվում է տնտեսավարող սուբյեկտների կողմից մենաշնորհի կամ գերիշխող դիրքի չարաշահումը:

Օրենքի 8-րդ հոդվածի 2-րդ մասի 1-ին, 8-րդ, 11-րդ, 13-րդ և 16-րդ կետերի համաձայն՝ գերիշխող դիրքի չարաշահում է համարվում.

1) իրացման կամ ձեռքբերման չհիմնավորված կամ խտրական գների սահմանումը կամ կիրառումը կամ օրենսդրությանը հակասող առևտրի այլ պայմանների ուղղակի կամ անուղղակի պարտադրումը.

8) այլ տնտեսավարող սուբյեկտի՝ շուկա մուտք գործելուն խոչընդոտելու (շուկա մուտք գործելը սահմանափակելու) կամ շուկայից նրան դուրս մղելու գործողությունը կամ վարքագիծը, որի հետևանքով այլ տնտեսավարող սուբյեկտը մուտք չի գործել շուկա կամ դուրս է մղվել շուկայից կամ կատարել է լրացուցիչ ծախսեր՝ շուկայից դուրս չմղվելու համար, կամ որի հետևանքով այլ տնտեսավարող սուբյեկտը կարող էր մուտք չգործել շուկա կամ դուրս մղվել շուկայից կամ կատարել լրացուցիչ ծախսեր՝ շուկայից դուրս չմղվելու համար.

11) իրացման կամ ձեռքբերման գների գեղչերի կամ արտոնությունների սահմանումը, փոփոխումը կամ պահպանումը, եթե դրանք հանգեցնում են կամ կարող են հանգեցնել մրցակցության կանխմանը, սահմանափակմանը կամ արգելմանը.

13) չհիմնավորված բարձր կամ չհիմնավորված ցածր գների սահմանումը և (կամ) կիրառումը.

16) այլ պայմանների կամ վարքագծի սահմանումը կամ կիրառումը, որոնք հանգեցնում են կամ կարող են հանգեցնել տնտեսական մրցակցության կանխմանը, սահմանափակմանը կամ արգելմանը:

Տվյալ դեպքում, հաշվի առնելով այն, որ.

- Վարույթի հարուցման համար հիմք է հանդիսացել «Yandex Eats» ծառայությունների շրջանակներում «Յանդեքս Սնունդ ԷյՏԷՄ», «Յանդեքս.Տաքսի ԷյՏԷՄ», «Ռայդտեխ Ինթերնեյշնլ Բ.Վ.» և «Ֆուդտեք ընդ Դելիվերի Բ.Վ.» սահմանափակ պատասխանատվությամբ ընկերությունների կողմից սպառողների, առաքիչների և սննդի կետերի ներգրավմանն ուղղված վարքագծում գերիշխող դիրքի չարաշահման հատկանիշների հնարավոր առկայությունը,

• Վարույթի շրջանակներում պարզվել է, որ 2022 թվականի դեկտեմբերից «Yandex Eats» ծառայության շրջանակներում առաքման ծառայությունների մատուցումն ապահովվում է «Ֆուդ Դելիվերի1» և «Յանդեքս Դելիվերի Էյէմ» ընկերությունների միջոցով,

• շուկա մուտք գործելու նպատակով «Յանդեքս Սնունդ Էյէմ» ընկերությունը ֆինանսական միջոցներ ստացել է «Յանդեքս Եդա» ընկերությունից՝ որպես փոխառություն,

«Յանդեքս Դելիվերի Էյէմ», «Ֆուդ Դելիվերի1» և «Յանդեքս Եդա» ընկերությունների՝ «Yandex Eats» ծառայության շրջանակներում դրսևորած վարքագիծը կարող է պարունակել գերիշխող դիրքի չարաշահման հատկանիշներ:

Օրենքի 92-րդ հոդվածի 1-ին մասի համաձայն՝ տնտեսական մրցակցության բնագավառում իրավախախտման համար Հանձնաժողովն իրավասու է տնտեսավարող սուբյեկտներին, պետական մարմիններին և դրանց պաշտոնատար անձանց տալու նախազգուշացում կամ նշանակելու տուգանք:

Օրենքի 93-րդ հոդվածի 3-րդ մասի համաձայն՝ գերիշխող դիրքի չարաշահման համար նշանակվող տուգանքի չափը կազմում է իրավախախտում թույլ տված տնտեսավարող սուբյեկտի՝ իրավախախտմանը նախորդող տարվա հասույթի մինչև 10 տոկոսը:

Օրենքի 93-րդ հոդվածի 13-րդ մասի համաձայն՝ նախորդ տարում 12 ամսից պակաս գործունեություն իրականացրած լինելու դեպքում սույն հոդվածով նախատեսված տուգանքների չափը կազմում է իրավախախտմանը նախորդող, բայց ոչ ավելի, քան 12 ամսվա գործունեության ժամանակահատվածի հասույթի նկատմամբ սույն հոդվածում նախատեսված տոկոսը:

Օրենքի 85-րդ հոդվածի 2-րդ մասի համաձայն՝ վարույթի իրականացման ընթացքում իրավախախտումը նաև այլ սուբյեկտի կողմից կատարված լինելու մասին տեղեկություններ ձեռք բերվելու դեպքում Հանձնաժողովի որոշմամբ այդ սուբյեկտը ներգրավվում է որպես վարույթով նոր պատասխանող:

Հաշվի առնելով վերոգրյալը՝ Հանձնաժողովն անհրաժեշտ է համարում «Յանդեքս Դելիվերի Էյէմ», «Ֆուդ Դելիվերի1» և «Յանդեքս Եդա» ընկերություններին Վարույթով ներգրավել որպես նոր պատասխանողներ:

Օրենքի 63-րդ հոդվածի համաձայն՝

1. Հանձնաժողովի կողմից իրականացվող վարչական վարույթի ժամկետը երեք ամիս է: Հանձնաժողովի պատճառաբանված որոշմամբ վարույթի ժամկետը մեկ անգամ կարող է երկարաձգվել մինչև երեք ամսով:

2. Հակամրցակցային համաձայնությունների, գերիշխող դիրքի և բանակցային ուժեղ դիրքի չարաշահման, տնտեսական գործունեության արգելված համակարգման իրավախախտումների վերաբերյալ վարչական վարույթների ժամկետը վեց ամիս է:

3. Վարչական իրավախախտումների վերաբերյալ Հանձնաժողովի կողմից իրականացվող վարչական վարույթի ժամկետը որոշվում է Վարչական իրավախախտումների վերաբերյալ Հայաստանի Հանրապետության օրենսգրքով:

4. Եթե Հանձնաժողովի կողմից իրականացվող վարչական վարույթը վերաբերում է մեկից ավելի իրավախախտումների, որոնցից առնվազն մեկը սույն հոդվածի 2-րդ մասում

նշված իրավախախտում է, ապա այդ վարչական վարույթի ժամկետը սույն հոդվածի 2-րդ մասում նշված ժամկետն է:

Վկայակոչված դրույթներից հետևում է, որ Օրենքով վարույթի իրականացման ընդհանուր ժամկետը երեք ամիս է, միաժամանակ Օրենքը առանձնացրել է որոշ իրավախախտումներ, որոնց կապակցությամբ հարուցված վարույթների իրականացման համար սահմանել է առավել երկար՝ վեցամսյա ժամկետ:

Սույն դեպքում Վարույթը հարուցվել է մի շարք ընկերությունների կողմից գերիշխող դիրքի չարաշահման առերևույթ հատկանիշներով: Այսինքն՝ Վարույթը վերաբերում է այնպիսի իրավախախտման, որի վերաբերյալ հարուցված վարույթի ժամկետը վեց ամիս է:

Ընդ որում, օրենսդիրը բոլոր դեպքերում սահմանել է վարույթի ժամկետը մինչև երեք ամսով երկարաձգելու հնարավորություն:

Հաշվի առնելով, որ սույն որոշմամբ «Յանդեքս Դելիվերի ԷլԷՄ», «Ֆուդ Դելիվերի1» և «Յանդեքս Եդա» ընկերությունները Վարույթով ներգրավվում են որպես նոր պատասխանողներ, իսկ Վարույթի ժամկետն ավարտվում է 2023 թվականի մայիսի 8-ին՝ վերջիններիս լսված լինելու իրավունքն ապահովելու և Վարույթի շրջանակում գործի բազմակողմանի, լրիվ և օբյեկտիվ քննություն իրականացնելու նպատակով Վարույթի իրականացման՝ Օրենքով սահմանված վեցամսյա ժամկետը բավարար չէ, որպիսի պայմաններում Հանձնաժողովն անհրաժեշտ է գտնում Վարույթի ժամկետը եռամսյա ժամկետով երկարաձգել:

Հիմք ընդունելով վերոգրյալը և ղեկավարվելով Օրենքի 85-րդ հոդվածի 2-րդ մասով, 63-րդ հոդվածի 1-ին մասի 1-ին և 2-րդ կետերով, 42-րդ հոդվածի 2-րդ մասով՝ Հանձնաժողովը


Ո Ր Ո Շ Ե Ց

1. «Յանդեքս Սնունդ ԷլԷՄ», «Յանդեքս.տաքսի ԷլԷՄ», «Ռայդտեխ Ինթերնեյշնլ Բ.Վ.» և «Ֆուդտեք ընդ Դելիվերի Բ.Վ.» սահմանափակ պատասխանատվությամբ ընկերությունների վերաբերյալ թիվ ՀԳ-02976/22 վարույթով «Յանդեքս Դելիվերի ԷլԷՄ», «Ֆու Դելիվերի1» և «Յանդեքս Եդա» սահմանափակ պատասխանատվությամբ ընկերություններին ներգրավել որպես նոր պատասխանող:

2. 2023 թվականի մայիսի 8-ից եռամսյա ժամկետով երկարաձգել թիվ ՀԳ-02976/22 վարույթի ժամկետը:

3. Սույն որոշումն ուժի մեջ է մտնում դրա ընդունման պահից:

ՆԱԽԱԳԱՀ
2023 թ. ապրիլի 19
Երևան



Գ. ԳԵՎՈՐԳՅԱՆ